



Universitätsbibliothek Paderborn

**TRACTATVS|| DE CON-||FESSIONIBVS MA=||LEFICORVM ET
SAGA-||RVM SECVNDÒ RECOGNI||tus, & auctior redditus.||
An, & quanta fides ijs adhibenda sit?||**

Binsfeld, Peter

Avgvstae Trevirorvm

VD16 B 5530

8. Præludium. Firmum illud, ad multas difficultates tollendas in hac
materia statuendum est pronunciatum, ...

urn:nbn:de:hbz:466:1-41113

sione diuina, necesse est intelligere, quæ ope-
rationes Dæmonis potestati subiectæ sunt.

CVM autem tanta eius potestas sit, vt nulla
vis super terram comparetur ei, attestan-
te Job cap.41. impossibile est hominem scire,
quid possint Dæmones per naturę suæ condi-
tionem facere, nisi per donum Dei iuxtaApo-
stolum dicentem I.Cor.12. *Alia dījudicatio spiri-
tuum, vt S. August. docet lib. 3. de Trin. cap. 9.* Si autem
ex sacris literis cōstet, aliquid Dæmonum po-
testatem excedere, id nullatenus credendum
est, maleficos, aut magos posse efficere. Ex hoc
fundamento dicitur, Maleficos & magos mul-
ta posse ope diabolica facere, quæ homini im-
perito impossibilia videtur, cùm propor-
tiōnem nostri intellectus superent, nec sub sen-
sus & phantasmata cadant, à quibus nostra co-
gnitio initium sumit.

8. Præludium. Firmum illud, ad multas
difficultates tollendas in hac materia statu-
endum est pronunciatum, cum D.Dionys.
de diuin.nominibus, c.4: approbatum à
S.Thom.i part.q.64.art.1.. In Dæmoni-
bus dona naturalia nequaquam muta-
ta, sed integra & splendidissima man-
sisse.

Dæmones re-
tinuerūt post
lapsum dona
naturalia.

CONSENTIT D.Gregorius super Job lib.
34.moral.cap.13. exponens illa verba Job

D 2 41.cap:

41. cap. Non est super terram potestas quæ cōparetur ei. Potestas eius, ait D. Gregor. statim in initio cap. super terram cunctis eminentior prohibetur: quia etsi actionis suæ merito infra homines cecidit, omne tamen humanum genus naturæ angelicæ conditione transcendit. Quamuis enim internæ fœlicitatis beatitudinem perdidit, naturæ tamen magnitudinem non amisit, cuius adhuc viribus humana omnia superat. Atq; hoc Dionysij dictum communiter apud Theologos tritum & receptum est, licet illud sine ratione reiecerit César noster, tanquam in multis suæ intentioni contrarium. Rationem illius Dionysij doctrinæ S. Thomas, altissimus rerum diuinorum scrutator resoluit in simplicitatem substantiæ angelicæ, à cuius natura aliquid subtrahi non potest, vt sic per subtractionem naturalium puniatur. Hinc Dæmonis potestatem non dicūt diminutam, sed ligatam Theologi. S. August. lib. 20. de Ciuit. Dei, cap. 8. Alexand. Alensis in 2. part. q. 112. pertot. Alij Scholastici in 2. d. 6. & 7. latè Ioseph. Angles in Floribus Theologic. qq. post d. II. in q. vniçade Dæmonibus, art. 2. & alij alibi.

Quare tanta est eorum pura naturalis cognitio, & operandi potestas, quanta Augelorum. Subiecta autem est materia horum inferiorum Angelis tam bonis quam malis, quantum ad motum localem, idq; ex naturali rerū ordi-

ordine, quia cū natura corporalis infra spiritualem sit, tanquam imperfectius sub perfectiori, nata est moueri in ordine ad locum unde Aristoteles. Metaph. posuit cœlum moueri ab intelligentijs, quas nos Angelos dicimus, numerumq; intelligentiarum, tanquam ex notiori è numero motuum, in corporibus cœlestibus inuestigauit.

9. Præludium. In operibus maleficorum quedam maleficiis operibus adhibita quæ naturalem actionem ex rei natura habent, in ordine ad effectus, quos producere intendunt: exempli gratia, venena ad interficiendum, herbae ad sanandum, vel occidendum: Quedam vero tantum sunt signa & characteres, nihilq; habent virtutis ad effectus producendos; sed operatio sequitur ex pacto cum Dæmonie, solum consensum præbente malefico, & signum adhibente.

DELECTANTVR enim Dæmones multum signis, cū imitari studeant Deum, qui mediantibus signis sacramentalibus, salutem operatur in terris, quam ipsi, pro eorum nequitia multiplici, adminiculo signorum, evuertere conantur. Quod pulchre S. Augustin. lib. 21. cap. 6. de Ciuit. Dei innuit his verbis: Dæmones afficiuntur per varia genera lapidum, herbarum, lignorum, animalium, carminum, rituum, non ut animaliacibus, sed